

包氏醫宗

第一集 第五卷

傷寒方講義



傷寒論講義目錄

第一篇

辨太陽病脈證篇

卽頭項背皮膚病

第二篇

辨陽明病脈證篇

卽面胸腹肌肉病

第三篇

辨少陽病脈證篇

卽頰頸脇筋骨病

第四篇

辨太陰病脈證篇

卽肺脾病

第五篇

辨少陰病脈證篇

卽心腎病

第六篇

辨厥陰病脈證篇

第七篇

辨霍亂病脈證篇

第八篇

辨陰陽易差後勞復脈證篇

卽心包絡肝病

卽後天胃病

卽先天腎病

傷寒論講義目錄終



北京中医药大学图书馆版权所有

傷寒論講義

閩杭包一虛識生氏著

漢張仲景先師原文

男天白校字

辨太陽病脈證篇第一

太陽病總論例第一

表病五規總論章第一

寒水爲病法第一

太陽之爲病脈浮頭項強痛而惡寒

【譯】（太陽）者大陽也一曰巨陽（脈浮）脈在皮膚之間輕手按之即得愈按愈隱愈舉愈現（頭項強痛）頭連項木強作痛而頭不便左顧右視也（惡寒）身體縮搐畏冷而欲加衣被也

【問】問曰太陽之爲病何以發現脈浮

【答】答曰太陽屬表表者最高最外之謂也人身最高最外之地莫若於頭項背與皮膚故頭項



背與皮膚皆爲太陽所主故其脈外浮於皮膚之間也

問曰 頭項強痛何因

答曰 太陽之經脈起於目內眦上額交巔循腦后下行項背經脈傷邪則營衛不通不通則作痛也

問曰 惡寒何因

答曰 太陽爲寒水之經寒水性寒傷于人身則寒氣司令寒多而熱少故太陽受邪必惡寒也

此言太陽寒水之經爲病發現脈症之確據總法也夫太陽寒水之爲病有氣有經有質三者之別脈浮卽氣病也頭項強痛卽經病也惡寒卽質病也總論雖言三證但三證不必悉具卽現一證亦可謂爲太陽病矣以後所謂太陽病者皆指此三證而言也

中風爲病法第二

太陽病發熱汗出惡風脈緩者名爲中風

（太陽病）卽指上法脈浮頭項強痛而惡寒以下倣此（發熱）身體之熱度加增按之灼手（汗出）皮膚上有鹹味之流質外洩名曰汗出（惡風）見風則畏曰惡風（脈緩）脈來和緩

約一息五六至一分鐘五六至(中風)風由汗孔而入肌腠如矢之中靶曰中風

問曰 人體發熱何氣使然

答曰 六淫之邪傷人皆能令人發熱其發熱之理由因邪氣與正氣相搏而發生熱度也凡正氣強盛之人其相搏力愈大故其熱度亦愈高正氣虛弱之人其相搏力小其熱度亦小待正氣消滅而邪氣無物與之抗爭故不熱而冰也

問曰 汗出何因

答曰 體熱則汗孔開開則汗出寒則汗孔閉塞閉塞則無汗此物性自然之理也夫風爲陽邪空氣之溫者也中於人身毛孔開張故汗自出

問曰 惡風何因

答曰 因風邪入裏與正氣相爭若再見風則風邪得有援助其勢益猛而正氣不敵故畏之也

問曰 脈緩何因

答曰 凡物之屬陽屬溫者其性和緩屬陰屬冷者其性緊急風者陽邪也其性溫故脈緩此言風中太陽經發現脈症之確據也夫風者爲百病之長即空氣是也按平常之空氣曰風風之冷者曰寒熱曰暑熱極曰燥挾有水氣曰濕寒熱錯雜不清而能化火凡此諸邪皆由風

而變化也故爲百病之長

傷寒爲病法第三

太陽病或已發熱或未發熱必惡寒體痛嘔逆脈陰陽俱緊者名曰傷寒

（體痛）全身俱作痛也（嘔逆）胃中有氣上逆由口而出作嘔聲或有飲食隨嘔而出故曰嘔逆（脈陰陽）陰指二尺而言陽指二寸而言並關脈亦包含在內（緊）脈緊來去極速息不能數約一息在十餘至以上一分鐘百餘至也（傷寒）傷者創也損也膚腠爲寒所戕損也

問曰 太陽病已未發熱而必惡寒者何也

答曰 上法言風曰中此法言寒曰傷文字上已有輕重之分別其邪氣之利害可知上法無必字雖中風邪或有不惡風者此法加必字則可知傷寒一症無論其熱之已發未發體之屬強屬弱必先現惡寒也

問曰 體痛何因

答曰 凡痛皆氣血不通之所作人體之寒熱平均則人無病今傷寒邪人身之寒度增加而營衛失其常行之度滯留不利故身體疼痛也

問曰 嘔逆何因



答曰 寒邪漂悍侵入肌膚則腠理閉塞正氣被迫不能排洩於體外故由內腑上衝從口而出作嘔逆也

問曰 寒邪何以曰傷

答曰 中者邪縱來也必有空隙可乘邪始能入肌腠傷者邪橫來也無空隙邪亦能入肌腠且雖傷一部份頃刻必傳於週身中風則不然中一部則一部生病雖能傳經其時候亦無傷寒之速

議

此言寒傷太陽經發現脈症之確據也夫寒屬陰邪爲空氣之冷者冷氣傷人故或已發熱之後或未發熱之前而必先見惡寒之症也但寒邪重而正氣旺者即發熱而病劇寒邪輕而正氣弱者緩發熱而病輕按惡寒與惡風又絕然不同惡寒者雖室內帳中厚其衣被猶覺其寒惡風者見風始惡無風則自若也按風性緩寒性急爲物性自然之理如夏日之風雖烈風不見其雄冬日之風縱微風亦覺其猛以其寒急熱緩物理自然之性故也

表裏相傳法第四

傷寒一日太陽受之脈若靜者爲不傳頗欲吐若躁煩脈數急者爲傳也

註 (脈若靜) 靜安也不變動之謂也 (吐) 胃中之水穀從口逆出曰吐 (躁煩) 躁手足身體不安

而時起時坐時臥也煩心不安而多所不可也（脈數急）數脈一息六七至一分鐘八九十至急疾也與數同意也

問曰 傷寒一日太陽受之何謂也

答曰 傷寒一日言人得病之第一日也太陽受之謂得病第一日卽是太陽病

問曰 脈若靜者爲不傳此靜字作何解說

答曰 脈若靜者謂太陽爲病之後其脈浮仍是浮而不變沉風緩寒緊仍是風緩寒緊而不變微細是爲安靜不動邪氣不傳於他經故曰脈靜者爲不傳

問曰 頗欲吐何因

答曰 吐裏病也軀壳之表病忽見臟腑之裏病則其邪已侵於裏邪已侵裏則爲傳經也

問曰 若躁煩何因

答曰 煩心陽內鬱手少陰症也躁腎水外擾足少陰症也太陽病而見少陰症是爲邪已由表而裏矣

問曰 脈數急屬何症

答曰 數急爲表裏相傳過度之脈也蓋太陽傷寒其脈爲緊今十餘至之脈二變爲六七至之數脈則表邪將去而裏病又將發現之候也若表邪完全入裏則全變爲一息三四

至之少陰微細脈矣故脈數急者爲傳也

此言太陽經受邪之後其邪有由太陽之表傳入少陰之裏及不傳之法也夫太陽主皮膚與頭項爲人身最高最外之地故傷邪之第一日卽太陽之皮膚先受病也太陽已受爲病之後其邪必漸次傳染他經但傳染之途有二一爲表裏傳一爲經氣傳此言表裏傳之法也太陽受病之後自一日或至數日仍是太陽之脈症靜而不變動者爲太陽之邪不傳他經也若太陽之脈症不靜而動變生頗欲吐躁煩脈數急者爲太陽之邪已傳入少陰之裏矣

經氣相傳法第五

傷寒二三日陽明少陽症不見者爲不傳也

(陽明症)卽胃家實腹滿譫語潮熱燥屎是也(少陽症)卽口苦咽乾目眩是也

問曰 二日三日陽明少陽證不見者何謂也

答曰 二日卽陽明主氣之期三日卽少陽主氣之期也

此言太陽之邪由經氣傳不傳者也按經氣順傳之次序一日太陽二日陽明三日少陽四日太陰五日少陰六日厥陰也若二日不見陽明之脈症三日不見少陽之脈症爲太陽之邪不由經氣而傳者也若二日已見陽明之症三日少陽之症爲太陽之邪已由經氣而傳入陽明

少陽也

三陽邪化法第六

太陽病發熱而渴不惡寒者爲溫病若發汗已身灼熱者名曰風溫風溫爲病脈陰陽俱浮自汗出身重多眠睡鼻息必鼾語言難出若被下者小便不利直視失溲若被火者微發黃色劇則如驚癰時瘕癰若火薰之一逆尙引日再逆促命期

〔渴〕口燥時時想吃茶水也〔溫病〕溫卽熱也溫病卽熱病也暑燥火三症之總稱也〔灼〕灸也熱也燒也灼熱按之熱如火燒炙人手也〔風溫〕由風邪所化之熱病〔身重〕身體笨重難以起臥也〔多眠睡〕眠臥寐也睡坐寐也多眠睡無論坐臥俱欲寐也〔鼾〕呼吸作干聲也〔小便〕一曰小尿一曰尿一曰小解一曰溺〔直視〕目不轉瞬也〔溲〕尿色不清之謂溲〔驚〕身跳不安而恐懼也〔癰〕暈厥不知人事而手足口目瘕癰也〔瘕癰〕手足口目振動抽搐也

問曰

問曰 太陽病發熱何以發現口渴不惡寒

答曰 太陽病發熱後熱盛則化燥裏熱盛則口渴表熱盛則惡寒自罷故口渴而不惡寒也

問曰 何爲溫病

答曰 溫者煖也溫病卽熱病之謂也暑燥火病俱包含在內

問曰 身灼熱何故

答曰 身灼熱爲太陽風病化爲熱病因誤汗津液愈涸熱邪愈盛熱盛則按之如火灼人手也

問曰 脈陰陽俱浮何故

答曰 人身表裏上下俱熱故其脈寸關尺三部俱浮也

問曰 自汗出何故

答曰 腎主液腎被熱灼故汗自出

問曰 身重何故

答曰 脾主肌肉脾受熱淫故肉笨而身體重

問曰 多眠睡何故

答曰 心藏神心被熱逼故神智昏迷而多眠睡

問曰 鼻息必鼾何故

答曰 肺主氣肺受熱則呼吸爲之不利而作鼾

問曰 語言難出何故



答曰 肝主筋肝爲熱傷則舌筋卷縮而難言語

問曰 小便不利何故

答曰 下傷其下焦之氣則小便爲之不利也

問曰 直視何故

答曰 下傷其上焦之氣故目爲之直視也

問曰 失洩何故

答曰 下傷其中焦之氣則中氣不約而小便自失也

問曰 身發黃色何故

答曰 火傷其營衛則膚色發黃

問曰 驚癇何故

答曰 火傷其臟腑則肝膽不寧而發驚癇

問曰 瘰癧何故

答曰 筋脈之津液被火所傷無所營養故瘰癧

問曰 若火熏之何故

答曰 火傷其營衛則皮膚之色澤盡去故如火熏也



此言太陽之邪不由經氣表裏而傳他經而在本經自化者也夫太陽病本惡寒而發熱今不惡寒而發熱口渴者太陽寒水之邪化爲溫熱暑病也其所以化熱之故者多因太陽初得病時其人素體多火或誤服熱品或天熱衣厚汗出過多則寒負而熱勝熱勝則寒從熱化也表熱盛則身如爐裏熱盛則口大渴如此表裏俱熱寒氣散盡而不惡寒按熱病必用涼汗下火三法俱非所宜若誤以發汗攻其表則五臟俱傷風動火揚其身之熱益盛按之如火灼手營衛俱熱渙溢週身故陰尺陽寸三部之脈俱浮上而向外越也是則太陽中風之病而化爲風熱之病矣腎臟已傷液脫而汗自出脾臟已傷肉敗而身重心臟已傷神疲而多眠睡肺臟已傷氣逆而鼻息作鼾肝臟已傷舌筋縮而語言難出也若誤以下劑攻其裏則三焦俱傷下焦傷則小便不利上焦傷則目直視中焦傷則中氣失統攝之職而失洩也若誤以火法攻其半表裏則營衛俱傷微者病在皮膚不過營衛受傷外發黃色而已劇者傷其營衛且傷其臟腑而必作驚癇也營衛已傷則血不能養筋而筋脈痠癢血氣焦枯故皮膚現如火熏之狀也然一誤已爲逆但雖逆猶可引日而施救治若再誤而三誤之不禁累促其致命之期矣又按先師以汗喻太陽之寒化熱以下喻陽明之實化虛以火喻少陽之表化裏閱者須留意焉

表裏傳治法第七

病有發熱惡寒者發於陽也無熱惡寒者發於陰也發於陽者七日愈發於陰者六日愈以陽數六陰數六故也

註

(陽)指陽經也(陰)指陰經也

講

問曰 病有發熱惡寒者發於陽也何謂

答曰 太陽病本惡寒而發熱故病有發熱惡寒者發生於太陽之表也

問曰 無熱惡寒者發於陰也何謂

答曰 無熱惡寒病在少陰經也

問曰 七日愈六日愈何謂

答曰 七日爲陽復之數六日爲陰終之期故以七代太陽之治法以六代少陰之治法也

圖

此言表裏傳不傳之治法也大凡病症有發熱惡寒者發於陽經也無熱惡寒者發於陰經也按七日爲陽復之數六日爲陰終之期先師借陰陽之數喻陽經陰經之治法如病在太陽者用太陽之藥以治之病在少陰者用少陰之藥以治之不可表病治裏裏病治表也

經氣傳治法第八

太陽病頭痛至七日以上自愈者以行其經盡故也若欲作再經者鍼足陽明使經不傳則愈



〔註〕(再經)再二也再經卽第二經陽明是也

問曰 頭痛何因

答曰 頭痛經病也

問曰 至七日以上自愈者何故

答曰 經氣六日爲一週經氣已行盡故其病不傳他經而自愈也

問曰 鍼足陽明何謂

答曰 足陽明胃脈也斷其邪之去路則邪不能傳經也

〔義〕此言太陽病欲由經氣相傳者則在其欲傳之經處治之以截其路使其病不再傳別經者也如太陽之經病頭痛至七日又值太陽之期以上至八日值陽明之期其病自愈者太陽之邪行盡太陽之經而散不傳別經者也若至八日太陽病傳入陽明而胃家實之病出見者攻其足陽明胃府病自愈也

虛症從治法第九

〔註〕太陽病欲解時從巳至未上

〔欲解時〕其病將愈之候也(巳午未)巳自日間上午九點至十點六十分午自十一點至十



二點六十分未自下午一點至二點六十分也

問曰 太陽病欲解時何以在巳午未三時

答曰 太陽者大陽也日中之陽爲太陽太陽病之虛者得天地太陽之助力卽正旺而邪衰故病解也

此言太陽病虛者欲解時必得天氣之助而始愈也按一日十二時三陽居九三陰居五寅時爲日出天曉之時陽氣初出仍是小陽小陽者少陽也故寅卯辰三時爲少陽所主少陽雖主三時尙含厥陰母氣二時在內如哺乳小兒在母懷中時候更多也小陽漸大日漸高至巳午未三時日居天中則小陽變爲大陽矣大陽者太陽也故巳午未三時爲太陽所主陽氣由小而大大而必旺旺則陽氣極明故曰陽明日已斜西陽氣衰老陽明者純是一個老陽也故申酉戌三時爲陽明所主陽已衰老日落西山則太陰出現故亥子丑三時爲太陰所主太陰之後子時陽氣漸多陰氣漸少少者少也故子丑寅三時爲少陰所主兩陰交盡曰厥陰厥陰者老陰也陰老必衰則陽氣漸旺而且中含少陽故丑寅卯三時爲厥陰所主也夫病之虛者得旺時而愈實者得旺時而劇所以太陽病欲解時從巳至未上先師下一從字甚有深義卽虛從之謂也

實症反治法第十